



## Regatta Lepa ke-13—Pesta Air 15–16 April

Datang dan saksikan bagaimana penduduk Semporna memperingati penggunaan lepa, perahu layar Bajau Laut April ini pada Regatta Lepa ke-13. Lepa berwarna warni dan menakjubkan berbaris di tepi pantai, dihiasi senyuman manis para penari, pemuzik dan anggota keluarga mereka yang menyanyi dan menyorak si penari. Regatta ini merupakan satu peluang untuk mereka menunjukkan dengan bangganya perahu mereka pada kemuncak acara pertandingan untuk memilih lepa tercantik.

Lepa memainkan peranan penting dalam kehidupan masyarakat Bajau Laut yang tradisinya adalah masyarakat laut dan jarang menjejakkan kaki ke darat. Lepa biasanya dibuat daripada kayu ubar suluk (seraya merah), dengan dihiasi ukiran-ukiran menarik. Dengan layar berwarna cerah, dikenali sebagai sambulayang dan tapis, tambah mencantikkan lagi perahu tersebut.

Pelbagai aktiviti menyeronokkan disediakan, termasuklah sukan dan permainan tempatan. Lumba dayung membolehkan para lelaki beraksi dengan perahu masing-masing untuk melihat siapa yang terkuat dan paling seragam. Anda tidak akan menyaksikan acara tarik tali yang biasa di sini, sebaliknya mereka menarik tali daripada perahu yang terapung!

Banyak yang boleh dilihat dan dilakukan apabila berada di Semporna. Saksikan pemandangan-pemandangan menarik seperti Pusat Pelancongan Laut Semporna yang terapung, terletak di Dragon Inn yang terkenal.

Gemar makanan laut? Anda datang ke tempat yang betul dengan kedai makanan tempatan menyediakan pelbagai hidangan.

Semporna juga merupakan gerbang kepulauan pantai timur yang indah - Sipadan, Matakings, Mabul dan Kapalai, sempurna buat penerjun dan pencinta laut. Bersedialah untuk menyaksikan dunia baru di bawah air di pulau-pulau menakjubkan ini!

Hanya 45 minit melalui jalan raya daripada Lapangan Terbang Tawau, Semporna adalah tempat untuk dilawati April ini. Jumpa anda di Regatta Lepa!.

Untuk maklumat lanjut, sila hubungi Balwant Singh Kler di Sri Pelancongan Sabah di talian 088-232121 atau e-mail [balwant@sabahtourism.com](mailto:balwant@sabahtourism.com).

**Little Italy**  
Pasta & Pizza Corner

For a Great Wine & Dine Evening out...  
or for a Lunch on the run, look no further than  
Downtown KK. Here at Little Italy we'll take you  
through the Ultimate Experience in Home-made,  
mouth-watering Italian Specialties,  
prepared Fresh Everyday. From Fresh  
Pastas, Stone Baked Pizzas to a  
Variety of Main Courses and Desserts  
to suit the most demanding taste buds...

GROUND FLOOR, HOTEL CAPITAL  
(JUST OPPOSITE HOTEL SHUTTLE BUS STOP  
AT WISMA MERDEKA SHOPPING MALL)  
TEL: 088 - 332.231

**BEST RESTAURANT  
AWARD**  
SABAH TOURISM BOARD  
LAUNCHING 12 TH JUNE 2011, KUALA

**SET LUNCHES FROM RM 8.50+**  
AVAILABLE EVERYDAY EXCEPT SUN & PUBLIC HOLIDAYS

## Hari Anzac 25 April

Hari Anzac diadakan pada 25 April setiap tahun bagi memperingati Hanggota lelaki dan wanita dari New Zealand dan Australia yang berjuang pada Perang Dunia Kedua di Sabah, terutama sekali tahanan perang (POW) yang mengambil bahagian dalam 'Perarakan Maut' dari Sandakan ke Ranau. Adalah menjadi kebiasaan bagi ahli keluarga mereka datang ke Sabah memberi penghargaan kepada nenek moyang mereka yang terkorban.

Untuk maklumat lanjut, sila hubungi Willie Teo (Destination Borneo Sdn Bhd) di talian 087-414611/414989. E-mail [wteo@tm.net.my](mailto:wteo@tm.net.my).